



UKA16/34

6. oktober 2016

Ane Hansen

Neriniartitsivinni neriniartitsinerup naatitanut nungusaataangitsumik ingerlanneqarsinnaanera pillugu Naalackersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermi ullumikkut uumasuutitut neriniartitsiviusut nunaminertallu taakkua qanittuaniittut ilanngullugit nalilersorneqassapput uumasut qassit naasoqassutsip nammassinnaaneraa, taamaalilluni piffissaq sivisunerusoq eqqarsaatigalugu tunisassiorsinnaaneq pitsaanerpaaq qulakkeerumallugu. Misissuinermi inerniliussaqaq UPA-2018-imi saqqummiunneqassaaq.

(Inatsisartunut ilaasortaqaq Suka K. Frederiksen, Siumut)

Savaateqarneq nunalerinerlu ukiut 100-rujut sinnerlugit nunatsinni ingerlarersimagaluartoq ullumikkut suli inatsisiliornikkut inuutissarsiummilu siuarsaanissamut atatillugu suliassaqaqaagut, sorlu aamma siunnersuutip Suka K. Frederiksen-ip tamanna uuminnga siunnersuuteqarnermigut takutikkaa.

Nunalerineq uumasuuteqarnerlu siunissaqartutut isigigaanni siunnersuut una itigartiinnagassaangikkaluarpoq, taamammat tupigusuallaatigisorujussuarput Naalackersuisut siunneruummut akissuteqarnerminni siunnersuummut attuumassuteqangitsumik suliqaarnertik patsisiliullugu siunnersuut itigartinneqarnissaa inassutigimmassuk, tamanna Naalackersuisooqatigiit ilaasa savaateqarnermut qanoq isiginninnerat eqqarsaatigalugu eqqarsaallannartorujussuuvoq.

Nunat allat savaateqarnermik uumasuuteqarnermik naatitsinermillu inuutissarsiorfiusut inatsisiliornerminni narsaatit neriniartitsiviusut aamma narsaatit naatsitsinermut atorneqartartut naasoqassutsimuk (vegetation) tungasumik aaliangerimasumik misissuininnaanut tungasunik pingartitsillutik inatsiseqarnikkut inerisaasuartarput. Nunatsinni aamma savaateqarneq uumasuuteqarneq nunalerinerlu pillugit ineriartortitsinissamik soqutiginnikkutta tamanna avaqqussinnaangilluinnarparput, taamammat siunnersuuteqartoq Suka K. Frederiksen isumaqatigarput uumasuutitik neriniartitsivinni neriniartitsinerup naatitanut nungusaataangitsumik ingerlanneqarsinnaanera pillugu Naalackersuisut misissueqqullugit



piumaffigineqartariaqarput.

Maluginiarparpulli Pinngortitaleriffiup uppersarsaraa narsaatit neriniartisiviit savat nerinerat qanoq annertutigisoq nammassinnaanerani sukumiisumik annertuumillu misissuinerit amigaatigigaat, ukiulli ataasiinnaap iluani suliassaq taamak annertutigisoq naammassisinnaasoringikkaat. Nunatssinnimi savaateqarfiusuni annertunerusumik neriniartisivinni naasoqassuseq pillugu misissuisoqarsimangilaq 1980-imi misissuisimaneq eqqaassangikkaanni.

Siunnersuut itigartiinnaveqqunagu Inuit Ataqatigiinniit siunnersuutigarput ataavartumik naasoqassutsimut tungasumik misissuinerit ingerlasoqalernissaa siunertaralugu siunnersuutip allanguuteqartinneqarnissaa Inatsisartut Aalisarnermut Piniarnermut Nunalerinermullu ataatsimiisitaliani ataatsimoorussamik suliaqartoqaqqullugu, taamaasilluni ukiut tamaasa naasoqassutsimut tungasumik misissuinerit ingerlanneqarsinnaaneranut Aningaasanut inatsimmi aningaasaliisoqartalernissa qulakkerniarneqassammat inatsisiliussinikkut.

Taamatut oqaaseqarluta siunnersuutip allanguuteqartinneqarnissaa inassutigalugu Inatsisartut Aalisarnermut Piniarnermut Nunalerinermullu suliarineqaqqisasq inassutigarput.